

KHA VHA VHE NA VHUPFHIWA

THAMBO KHA TSHITSHIVHA YA U SHELA MULENZHE KHA SAMITHI YA PHALAMENDE YA KHAKHATHI DZI ELANAHO NA ZWIGWADA

Komiti ya Phothifoljo ya Mapholisa i ramba zwitshavha zwi kwameaho, vhadzulapo, zwipondwa zwa vhugevhenga, madzangano a zwitshavha, zwiimiswa zwa vhurereli, zwivhumbeo zwa vhiswa, vhaṭodisise, madzangano a vhapo, mabindu, na vhathu vhoṭhe vha kwameaho vha re na dzangalelo u shela mulenzhe kha Samithi ya Phalamende ya Khakhathi dzi Elanaho na Zwigwada, ine ya vhumba tshipiḁa tsha ṭhoḁisise kha Khakhathi dzi Elanaho na Zwigwada.

Samithi i ḁo ṇetshedza puḁatifomo ya ndeme kha vhathu na zwitshavha zwo kwameaho ya u davhidzana thwii na Phalamende kha lushaka, zwivhangi, mveledzwa na masiandoitwa zwa khakhathi dzi elanaho na zwigwada na nyito dza vhugevhenga ho dzudzanywaho. Komiti i khou ṭuṭuwedza nga maanda vhathu na zwitshavha zwe zwa tshenzhela khakhathi dza zwigwada u shela mulenzhe na u kovhana tshenzhemo dzavho, u vhilaela na madzinginywa zwavho zwo livhiswaho kha u khwinisa vhutsireledzi ha tshitshavha na u khwaṭhisedza u fhindula nga Muvhuso kha khakhathi dzi elanaho na zwigwada.

Komiti i ramba u shela mulenzhe na therisano nga mafhungo a katelaho, fhedzi a sa gumi nga:

- a) Zwivhangi na zwiṭuṭuwedzi zwa khakhathi dzi elanaho na zwigwada na nyito dza vhutshinyi ho dzudzanywaho;
- b) Mveledzwa dza khakhathi dzi elanaho na zwigwada kha zwitshavha, miṭa, zwikolo, mabindu, tshumelo dza ndondolo ya mutakalo, na vhuthihi ha zwa matshilisano;
- c) Khaedu dzi elanaho na u vhona uri hu na vhudziki na u tevhedzwa ha mulayo nga mapholisa, vhuḁa, vhusevhi ha zwa vhugevhenga, ṭhoḁisise, vhutshutshisi, na phindulo dza vhulamukanyi kha zwa vhugevhenga nga u angaredza;
- d) Vhurangeli ha vhutsireledzi nga zwitshavha, mbekanyamushumo dza u thivhela khakhathi, na vhushumisani vhukati ha zwitshavha na Muvhuso;
- e) Mveledzwa dza zwiito zwa vhugevhenga nga zwigwada kha vhana, vhathu vhaṭuku, vhafumakadzi, na miṇwe miraḁo i songo tsireledzeaho ya tshitshavha; na
- f) Tshanduko dza zwa vhusima milayo, mbekanyamaitele, dza zwiimiswa kana mashumele dzi ṭodeaho u itela u khwaṭhisa u thivhela vhugevhenga, vhutsireledzi ha tshitshavha, na phindulo nga Muvhuso kha khakhathi dzi elanaho na zwigwada.

Zwidodombedzwa zwa Samithi

Duvha: 19 Thangule 2026

Tshifhinga: 09:30 – 17:00

Fhethu: Phalamenndeni, Cape Town

Vhathu na madzangano a zwi takalelaho vha tũtũwedzwa u sumbedzisa u ġiimisela hao kha u dzhenela na, hune zwa konadzea, u rumela mafhungo afhio na afhio a teaho, makumedzwa o tou ĳwaliwaho, kana mafhungo ane vha tama u a tũhisa kha kana nga tshifhinga tsha Samithi. U ranga nga u redzhisiũara kana makumedzwa o tou ĳwaliwaho a, naho zwo ralo, si thodea thangeli ya u shela mulenzhe.

Vhashelamulenzhe vha no ġo dzhenela Samithi vha ġo tea u redzhisiũara musi vha tshi swika Phalamenndeni.

Matshimbidzele a Samithi a ġo tendela tshitshavha na midia, zwi tshi bva kha milayo ya phalamennde, u hula ha fhethu hune ya ġo farelwa hone, u dzhielwa nzhele ha vhutsireledzi, na thodea dza mashumele.

Matshimbidzele a Samithi, khathihi na makumedzwa afhio na afhio a u tou amba kana o tou ĳwaliwaho o tũanganedzwaho, a nga rekhodiwa na u ĳwalwa u itela vhulavhelesi ha phalamennde, u vhiga, na u ġivhadza tsenguluso, mawanwa na themendelo zwa Komiti.

Makumedzwa a tea u tũanganedzwa hu sa athu fhira awara ya 16:00 nga Lavhũtanu, **7 Thangule 2026 (ũuvha ĳa u vala)**. Vha humbelwa u sumbedza dzangalelo ĳavho ĳa u ita makumedzwa nga u tou amba phanũa ha Komiti

Mbudziso dzi nga livhiswa kha Vho B Mbengo kha 0837098489. Makumedzwa a tea u imeĩelwa kha gangviolenceinquiry@parliament.gov.za kana vha dalele webusaithi ya Phalamennde kha www.parliament.gov.za.

Yo bviswa nga Vho I Cameron, MP

Mudzulatshidulo: Komiti ya Phothifolĩo ya Mapholisa